

Ulloq: 11.10.17

**Uunga siunnersuut: Qarasaasiakkut akiliisitsisarnerup aquneqarnera pillugu Inatsisartut inatsisaat nr. xx, xx. xxx 2017-imeersoq.**  
(Ilinniartitaanermut, Kultureqarnermut Ilisimatusarnermut Ilageeqarnermullu Naalakkersuisoq)

Siumumiit imatut oqaaseqassaagut,

Ingerlaannaq oqaatigisariarpoq siunnersuut tapersernartutut isigigatsigu qarasaasiakkut akiliisitsisarnerup periarfissaalernissaa atuisunut kiffartuussanullu pisariillisaanermik siunertalik, soorunami inuit ataasiakkaat pillugit paasissutissanut nalunaarsuiffimmi periutsit illersuisut naapertorlugit suliarineqarnissaata qulakkeersimatinnissaa pingaaruteqarpoq.

Taamatut oqareerluta ilanngullugu oqaatigissavarput kommuninik isumaqatigiinniareerluni qarasaasiakkut akiliisitsisarnermi pisortani oqartussaasut maleruagassanik atuinissaat pillugu aalajangersaasinnaalertussaangormata

Pisortani akiliisitsisarnerup aquneqarnerata nutarteriffiginissaa tamatumalu pisariillisaanermik malitteqarnissaa peqatigitillugu innuttaasut suliffeqarfiillu atugarisaanik allanngortitsinnginnissaq pitsangorsaasoqarnissaalu siunnersuummi siunertarineqartutut nakkutigineqassasoq neriuutigigatsigu.

Nunatsinni aamma kommunini pissutsit assigiinngisitaarsinnaanerat teknikitigut atortorissaarutit eqqarsaatigigutsigit akisuunngortitsisinnaanerat pingaartumik isorliunerusuni aamma nakkutigi-sassaavoq,

Pissutsimmi ullumikkutut itsillugit teknikitigut atortorissaarniaraluaanniluunniit ajornarluinnarsinnaasarmat tamannalu aamma akisuunngorsinnaasarluni, taamaattorli siunertaasutut periarfissat pitsanngorsarneqarnissaat anguniarneqarmat assortuussutaasinnaangilaq.

Naalakkersuisut maleruagassaliorsinnaalerput tamannali kommuninik isumaqatigiinniareermermi atortussanngortinneqassasoq siunnersuutigineqarpoq.

Inatsisissakkut Digitaliseeriinermut periusissaq 2014 - 2017-ip piviusunngortinniarnertut isigine-qassaaq

Pisariillisaasoqarnissaa sutigut tamatigut sullissinermi pitsaassutsimut qaffassaataassasoq naat-sorsuutigalugu, inatsisissaq aappassaneerneqartinnani Aningaasaqarnermut Akileraartarnermullu Ataatsimiititaliamut suliassanngortillugu inassutigaarput.

Jens Immanuelson

Siumut